



·sanjvwnz·

# Dahlwg Ndaej 5 Bi

□ Luz Vanjinh / 陆婉珍

Haetromh, gou naengh youq laj dingz henz dah, gij rumz daj gwnz dah ci daeuj, liengzsisi, hawj vunz simsoeng.

Yienznaeuz seizneix dwg seizhah, hoeng mwh gou ngienggyaeuj yawj aen yiuhrumz gyaunde i youq gwnz mbwn yied mbin yied sang, gou hix nyaenx mbouj ndaej siengj daengz souj sei gvendaengz haenh seizcin caeuj yiuhrumz haenx daeuj.

Gij sing riu dahlwg dwggyaez、angqyangz, daj gizgyae cienz daeuj, ndawsim gou hix lumj fwjmok haetromh gwnz mbwn riengz rumz menhmenh sanq bae, simhai hwnjdaej.

Dahniq cuengq yiuhrumz couhdwg dahlwg ndaej 5 bi gou, de gyaunde i dwggyaez, caeuj de caez youq cungj mbouj mbwq gvaq, gij saeh ndeiri u、mizyinx de youh menhmenh yienh hwnjdaej.

Dahlwg yienznaeuz lij iq, hoeng coengmingz lingzleih, hix lij miz di cabheiq dem. Mizseiz lij siengj manz, siengj damq beizheiq bohme h caeuj bouxlaux, ciengz hawj vunz simnyap dahraix. Mizseiz hozndat lai, caen siengj ndaq de donq he cij habhoz.

Lumj daxboh de daj iq daengz hung, couh gig sim' in de, hoeng de mboujdaih rox caeuj dahlwg doxdaeuj gangri u. De ciengz muengh dahlwg yienghye ingh cungj dingqgangj, saehsaeh cungj haeujsim, hoeng dahlwg mizseiz cungj daegdaengq guh vang bae, hawj de hozbongz dangqmaz.

Miz baez ndeu, daxboh de raen gou nyaengq, youh aeu ganj bae haihoih, couh coi de ganjvaiq bae swiqndang. De lumj duzn on iq nei menhnyednyed, doq veh dozveh doq han naeuz: “O ——Caj gou veh aen doz neix sat gonq, mboujnex dah gyaunde i neix

couh mbouj fwngz mbouj din lo, geijlai yakyawj ha!”

Gvaq yaep ndeu, daxboh de youh daezsingj de vaiqdi hwnjdin bae swiqndang, de youh iet linx naj riu han naeuz: “Daxboh cei q gya ez gou lo, bang gou riu j haizda daeuj, ndei lwi?”

Daxboh de raen de vahhoengq lai, hozndat dangqmaz, hujdengdeng hat de: “Aeu gya diuz faexbien lwi? Mwn g z cai q ngaiznyed, yaep ndeu gou couh fad mwn g z! Gou mbouj caeuj mwn g z baenz raemhraex! Saeh bonjfaenh, gag guh!”

“O, ndaej ha, mwn g z geiq maenh, gangj vah aeu suenqsoq bw, baezlaeng mwn g z hix mbouj ndaej heuh gou bang dub laeng bw!” Siengj mbouj daengz, dah neix sikhaek mbouj vueng mbouj muengz boiz bak daxboh de, hawj daxboh de bak ajloengloeng, mbouj miz vah gangj, cij hujdengdeng dwk bae ra faexbien.

Vih son dahlwg, gou couh sing unq heuh de: “Dah gvai, gaej hag manz!” “O, vanzlij dwg daxmeh cei q gya ez gou!” De laihnaeuz gou yaek bang de gangj vah ndei, fwt buet gvaqdaej, got goekga gou guh'unj.

“Mwn g z sikhaek boih gawq vah saw ‘bohme h heuh……’ banlaux okdaej!” Gou dadaengx naeuz de, youh yaepyaep da, caegcaeg heuh de aeu lauxsaed di, mboujnex, yaep dem couh nauhyied lo.

De fwt singj gvaqdaej, cij rox loengh gvaq-mauh lo, couh gaenjgip buet bae gag ra haizdaz swiqndang. Daxboh de daej riu mbouj baenz.

Dahlwg neix yienznaeuz mizseiz manz di, hoeng dingzlai cungj dwg dingqgangj roxsoq.

Guh bohme h, cungj muengh lwn g nyez maj ndaej ndang cangq vaiqvued. Hoeng, geij bi lwn g nyez, miz geijlai boux maj ndaej baenz swnh? Mizseiz raen lwn g nyez ngoenznaengz saetnyatnyat, dwggyaez dangqmaz, liuh mbouj daengz, banhaemh sawqmwh fatbingh. Mwh raen gij yiengh hojsouh de, ndawsim gou hix lumj deng cien fanh duz moed haeb nei, sim' in dangqmaz, caen nyienh lawh de souh hoj.

Geiq ndaej miz baez he daxboh de mbouj youq

ranz, daengz byonghhwnz, seiqlengq caemrwgrwg. Sawqmwh, gou deng geij sing ae ging ndaej ndiu gvaqdaej lo. Laxlawz dwg sing dahlwg. Gou sikhaek hwnqdaej cam de baenzlawz yiengh lo, gyawz mbouj cwxcaih. De naiqnueknuek han gou: “Daxmeh, hoz gou ndatfdwfdw, youh siengj rueg……” Vah de lij caengz gangj sat, de youh ae raq ndeu, doq “va” sing he, couh rueg lo, rueg ndaej seiqlengq cungj dwg oemjsoemq……

Caj gou bang de swiq seuq, aeu yw hawj de gwn, sousib gwnz congz…… Gaeng dingqny i sing gaeqhaen daj lajmbanj gizgyae cienz daeuj lo, seizneix cij rox nyaengq naiq dahraix. Gou lumh najbyak de, vanzlij mbouj cuengqsim, youh aeu vwnhdugi bang de rau ndangraeuj, yawj ndat lainoix. Raen de naj heusaegsaeg gig hojsouh, gou sim' in lai, youh umj de ninz yaep he……

Yaep he, de naiqnueknuek lij got maenh gou, sing iq gangj: “Daxmeh, dwg gou mbouj gvai, ciengzciengz mbouj ndeinde i gwn……gwn ngaiz, byonghhwnz lij fatbingh, hawj mwn g z baenzneix sinhoj. Doiq……doiq mbouj hwnj lo……”

“Doi q mbouj hwnj” sam cih dahlwg gangj ngamq gangj ok bak, sim gou sikhaek foekfan hwnjdaej, lumj fag mid gvej sim gou nei, mbouj rox mbouj nyinh aen ndaeng mazmwnh, cong hndaeng soemjsatsat, raemxda cai q hix nyaenx mbouj ndaej, ndiksugsug roengzdaej. Siengj daengz mwh gou hong nyaengq seiz, simnyap raixcaix, dauqma ranz raen de gwn imq couh caih de gag youq, mbouj cai q leixlangh de…… Caen dwg……

Gou doq uet raemxda doq nai naeuz: “Mbouj dwg ne, dah gvai, dwg daxmeh ganq mwn g z mbouj ndei……” Mbouj rox vihmaz, gou cai q hix gangj mbouj ok saek coenz vah lo, cij rox got dahlwg ndaetndaet bae!

Couhdwg dabsau hawj vunz youh “haemz” youh gya ez neix, mizseiz lij rox gangj gij vah hawj vunz liuh mbouj daengz dem.

Miz baez ndeu, aenvih de yaek hwnjdaiz biujyienj. Dou gwn caeux gvaq le, raen cij miz aen cungdaez he ndwi lo, couh coi de daenj buh haiz, aeu vaiqdi daiq de bae youwzyenz hawj lauxsae cang ndei.

Mwh de gungj hwet daenj haiz seiz, de raen gij doxgaiq haxbaenh aeu okdaej guhcaemz luenh-lablab sanq youq gwnz namh. De couh ganjvaiq maeuq roengzdaej, dawz gij doxgaiq guhcaemz gip ndei, caezcupcup cuengq roengz aen hab hung bae. Gij yiengh de siujsim sisi, lumj lauheiq gip laeuh saek aen nei……

Gou lau ganj mbouj gib, doi q de hemq naeuz: “Suenq lo, yaep ndeu dauqma cai q sousib lo. Mboujnex, couh daengz gvaiz lo.”

“Daxmeh, mwn g z mbouj dwg ciengz gangj guh saeh aeu miz gya euj miz rieng ha? Gij doxgaiq neix sanqnyanya, geijlai yakyawj ha! Mwn g z cai q hawj gou sam faencung sousib ndei, baenz lwi?” de nyinhcaen gangj le, song da vanzlij coh gou yaepyaep, gig ndeigyaez!

Gou baez anj, gag ngeix: Gou lij iq seiz, daxmeh gou ciengz heuh gou yienghyiengh aeu guh ndaej caezcupcup. Siengj mbouj daengz, gou maj-hung le cij baenz aen sibgvenq ndei neix, de ngamq ndaej 5 bi lai couh hag rox, gag guh daengz lo.

Yawj aen nga euz daenj vunj valoekloek haenx, caen lumj duz mbungqmbaj haj saek gya unde i ndeu nyaengqnyatnyat mbin bae mbin dauq. Gou nyaenx mbouj ndaej daj ndawsim boiqfug de.

“Daxmeh, daxmeh! Mwn g z yawj, vaiqdi yawj ha, aen yiuhrumz raeuz yaek mbin hwnj fwjhau bae lo!” Dahlwg daj gizgyae coh gou hemq, gig vaiqvued!

·Sawcuenhvaez Lwgnyez·

## Gij Golwgnyez Henz Dahhoengz

□ Lanz Haijyangz Moz Beibei / 蓝海洋 莫蓓蓓

Raen gwnz mbwn miz ronghrib bin gvaq, daiq swnhbak youh ciengq hwnjdaej lo: Duz ronghrib, ronghmigmig, bin roengzdaej, gwn mbawho; mbawho manh, gwn duzsap; duzsap haeu, gwn ciengqyouz; ciengqyouz fonx, couh gwn gy u; raen gy u haemz, gwn gosaep; gosaep henj, gwn makseq; makseq nding, gwn doengzien, ndaw miz daeuh, gwn roegraeu; roegraeu dingjfaex hemq, roeggeuq laj faex diuq; lauxsae maij cuengqgyaj, hagseng gya ez guhcaemz!

Coenz cei q doeklaeng, sojmiz lwn g nyez cungj gya ez dingq gya ez ciengq. Gyoengq lwn g nyez youq hag dangz sij cozyez baeg le, youh mbouj gamj cigsoh gangj, cijaeu baez ciengq “duz ronghrib, ronghmigmig——”, lauxsae couh nyaex mbouj ndaej yaek riu, rox gij ei qsei gyoengq hagseng, ndigah couh hawj gyoengqde bae guhcaemz, sw hgeij hix ndaej yietnaiq.

Gou doq buekbak: “Gou, gou mbouj hwnj

gwnz bya bae gaeb majgvaij ha!”

“Mwn g z gvaqdaej.”

“Meh gou ngoenzneix caengz dauq lwi?”

“Meh mwn g z daeuj lo, bae suenbyaek gvak nywj lo.” Daxdaiq cim coh gwnz ndang gou yaep ndeu, riu ndaej daengx naj nya euj caez: “Ngoenzneix youz le geij baez raemx?”

“Dai q——” Gou laeglemx suenq, ngoenz-neix gaeng roengz raemx 3 baez lo.

“Ai q deng meh mwn g z ndaq.”

“Gou mbouj youzraemx gvaq.”

“Mwn g z lien z dai q cungj ya euh mbouj ndaej, lij euqvang?”

“Dai q,” gou hix gig gvai, rox euq mbouj miz yungh, sikhaek cam saeh wnq: “Aulungzgeiz dwg vunzndei roxnaeuz dwg vunzrwix?”

“Gaej caeuj de doxyouq.” Daxdaiq cit gaemz ien ndeu, gig nyinhcaen gangj.

(caengz sat)